


# Höö hähm holle in Zesse

Willi Fuhrmann

Bei dräujem Wedde fuhren me mem Hööware en die Wiss, bo et Höö op Huppere stonnt. Dann wu'e der Hööware, der och als E'elääteware deent, met de Hööjewel, dat wor en Krääf met nur zwää Zänn on em lange Still, von meinem Bapp met dem Höö volljeladde. Den Ware ladde, also oowe op dem Ware stohn

onn datt Höö en Loore an de richtije Stell hinklaje, datt hätt mein Schweste Machtalene jemaach, die konnt datt am beste. Späde, bie ech grüüse on alle wo'e, dorf ech datt och maache. Dat wo'e jahnet su ähmfach zemols dat Höö janz schön rötschek wo'e onn me jenu oppasse moht, bo me die Huppere Höö, die de Bapp op



*Den Hööware ladde...*

de Ware woref, hinläje doht. Awe de Bapp, der mocht datt at esu lang, der woss von seleve at ömme, bo er dat Höö met de Jawel hinschmess. Ech wo'e ömme fruh, wenn de Ware bess an de letzte Spross von dem Lääteche voll wo'e onn me de Wissboom drüweläaje konnten. Wenn der dann noch met dem Fräadel henne am Ware fassjebonne wo'e, konnt äjentelech nix mie passiere. Trotzdem woren me all fruh, wenn me hääl onn ohne Höö ze veliere dehääm ankohmen. Ech wääs noch joot, datt ech ähmol fass de janze Häämwe'ech met de Hööjowel ne-wech em Ware herjeloof sein, onn hann et Höö jesteipt, soss wär e Dääl, odde de haleve Ware voll, avjerötscht.

Dehääm fuhren me met dem Ware bess onnesch dat Dürsche üwe der Scheuerepo'ez. Dann wuren die zwää O'ese ausjespannt onn en de Stall jedohn, der jo jereck denewesch wo'e. Für dat Höö afzeladde wur de janze Familech jebrauch. De Bapp stonnt om Ware on reckt dat Höö met de Hööjowel op de Schlees. Do stonnt dann de Mamm, die holt dat Höö met em Krääf an onn jow et weide an mein Schweste Machtalene. Die schmess et dann üwe de Hööstall weide an mein Schweste Angnes onn die reckt et dann an mech weide. Ech stonnt en dem



*De Hööware mem Bapp*

gruüße Hööhuppe onn moht sehn, datt ech alles joot vedäält kroch. Dat mooch ech mem Krääf onn dann wu'e enjedämmelt. Dat wo'e en janze blööd Arwed, weil en die Höözeit wo'e jo ömme schwer warem onn dat dräuje Höö hätt janze schlemm jestöppt. Der Stöpp zuch och schlä'ech aaf, weil janze oowe en de Vie'escht von der Scheue nur e klää Loch wo'e. Ech wo'e ömme fruh, wenn der Hööhuppe su huh wo'e, datt ech at ähs dorsch dat Loch frösche Loft holle konnt. Janze schlemm wo'e et, wenn ech dann dat Höö onnesch de Panne erendämmele moht. Ech heelt mech dann an de Daachlatze fass onn hann met de Fööß datt Höö dodronnesch jedaut. Manschmool jereht ech dobei en e Loch onn sein onnesch em Daach elangs bess op de Maue jerötsch. Onn dann moht ech widde flott erauskumme, weil von onne jo widde Höö nohkohm, dat wo'e jahnet su ähnfach. Ech wääs noch joot, datt ech off jenooch de Arme onn de Bään schwer vekrazt hat, weil die Hööhalme manschmol janze schön stiepelten onn och Destele en dem Hööh drennworen, die ähne veschamerierten. Jedenfalls, wenn me feerdech woren, wor ech och feedech onn soch aus, als wär ech jeraht aus em Kolleberchwerk kumme. Onn zo der Zeit joow et bei ohs noch kähn Badezem-

me on och kähn Dusch, et wu'e sech no em Afladde em Hoff jewöscht onn rään jemaach. Ähmol, kann ech mech erinnere, mohten me dat Höö ganz huttech awladde, weil e Jewidde em Anzuch wo'e. Me woren joot fe'edeck, dur hätt datt jeblezt onn jedonnet, onn dur feng et an ze trötsche, et hätt vom Himmel jeschudde, bie aus Äämere. Datt Kännel von de Foode-

kösch hat käh Rühle onn datt Wasse schoss von owe en de Hoff. Dur hann ech mech met all Klamotte dodronnesch jestallt onn su hatt ech mein Dusch. Ech wo'e zwar donoh dressnaas, awe saube. Ohs Motte wo'e ömme Bang für Jewiddere. Die mooch dann en jesähnt Ke'ez an, satt sech en de Stuff en en Eck, reppt onn we'echt sich nimme onn doht bedde.